

Uzgoj maline se isplati već u prvoj godini

Darko Milijašević iz sela Gornja Mravica kod Prnjavora je krajem marta ove godine na zemljištu površine 2 duluma podigao malinjak sa 2.200 sadnica jesenje dvogodišnje sorte "polka". Već početkom avgusta je stigao prvi rod iz njegovog voćnjaka i za samo mjesec berbe ostvario je prinos od blizu 500 kilograma. S obzirom da ova vrsta daje plodove do druge polovine oktobra i prvih mrazeva, Milijašević očekuje da će iz jednogodišnjeg zasada dobiti ukupno oko tonu maline.

Dobio potporu Partner mikrokreditne fondacije

Na ovaj korak se odlučio nakon jedne prezentacije o pogodnostima proizvodnje jagodičastog voća koju su u njegovom mjestu održali stručnjaci agronomi iz Partner mikrokreditne fondacije. Podigao je "Partnerov" namjenski robni kredit u iznosu od 3.100 KM, koji je osim sadnica i drugog materijala pokrio i nabavku sistema za navodnjavanje "kap po kap". Uzeta sredstva treba vratiti u periodu od 3 godine, u mjesečnim ratama po 133 KM, s tim da u početnih dvanaest mjeseci grejs - perioda plaća samo kamatu. Kako je ove godine cijena jednog kilograma maline dostizala i 4 KM, investicija će se isplatiti do kraja prve sezone berbe.



Slika 1: Darko Milijašević

"Nadmašena su sva moja očekivanja. Kompletan rod sam prodao po okolnim pijacama, a inače nema nikakvih problema za plasman maline na tržištu", kaže novopečeni voćar, koji je do sada porodicu izdržavao uglavnom radeći sezonske građevinske poslove. Ističe da je osim finansijske, od velike važnosti stručna pomoć agronoma Partner mikrokreditne fondacije, koji su uz klijente u svim fazama proizvodnje, od izbora i pripreme zemljišta, nabavke sadnica, do berbe i osiguranog otkupa kompletnog roda, dajući pritom savjete o primjeni potrebnih agro-tehničkih mjera.

Predstavljanje na Sajmu

Koliko Partner MKF brine o svojim klijentima pokazuje i to da je Milijaševiću i nekim njegovim kolegama omogućeno da se predstave na štandu Fondacije na posljednjem Sajmu šljive u Gradačcu, gdje su zbog kvaliteta plodova i pozitivnih iskustava izazvali veliku pažnju posjetilaca.

"Partner je uvijek sa nama. Ništa nisam znao o ovoj proizvodnji, a zahvaljujući njihovoj podršci u cijelom procesu, za kratko vrijeme postao sam pravi malinar", dodaje zadovoljni Milijašević.

On već razmišlja o proširenju zasada, i na osnovu prvog pozitivnog iskustva, te aktivnosti će koordinirati sa Partner mikrokreditnom fondacijom. Njemu i ostalim potencijalnim farmerima u prilog idu i izuzetno povoljni agrokrediti koje "Partner" nudi, koji su uz ostale grane poljoprivrede, namijenjeni upravo za podršku razvoju voćarstva u našoj zemlji, posebno proizvodnji jagodičastog voća.

"Zahvaljujući Partner mikrokreditnoj fondaciji, kroz REGA projekat realiziran uz podršku USAID-a, plasmanom kreditnog proizvoda «Voćko» i današnjeg namjenskog agrokredita, "Partnerovi" klijenti u BiH su od 2008. godine podigli zasade maline na ukupnoj površini od 127,038 hektara, sa ostvarenim

prosječnim prinosom od oko 2.000 kilograma po dulumu. Od ukupnog roda na godišnjem nivou u zemlji, koji je iznosio oko 5.000 tona maline, trećinu ili 1180 tona, odnosno 23,6% su proizveli naši klijenti", kaže agronom Dalibor Đajić, stručni saradnik Partner MKF.

"Uzimajući u obzir činjenicu da "Partnerovi" klijenti imaju jednu zaposlenu osobu u domaćinstvu, te da je prosječan broj članova domaćinstva četiri, možemo zaključiti da je kroz plasman 590 kredita, u posmatranom periodu Partner MKF stvorio najmanje 590 novih radnih mjesta i indirektno zaposlio oko 2.360 članova domaćinstva korisnika kredita", stiču u Partner mikrokreditnoj fondaciji.